



PRÈMI OSTANA XIV

escrituras en lenga Maire

La fèsta d'las lengas maires dal mond torna, en presença, dessot lo Vísol

da venre 24 a diamenja 26 de junh 2022

Centre Polifuncional "Lou Pourtoun" - ruua Miribrart d'Ostana

Una lenga n'es viva que se pòt donar vida a totas causas

Joan Bodon

Char

Es abo grand plaser que t'anóncio que lo "**Prèmi Ostana: escrituras en lenga maire**" tornarè en presença dins lhi jorns 24-25-26 de junh 2022. Espero que pòles culhir l'ocasion per programar-te un'agradabla vacança culturala da passar en companhia di autors premiats, al Centre Polifuncional Lou Pourtoun d'Ostana, ente serès aculhit/ia da la Chambrà d'òc, da la Comuna d'ostana e da la Cooperativa de Comunitat Viso a Viso.

Lo Prèmi Ostana es l'annual apontament abo las lengas maires dal mond que chasque an reünís a Ostana (CN), país occitan ai pè dal Vísol, **d'autors de lenga maire da tot lo mond** – dins lhi ans son istaas ospitaas **44 lengas** da tuchi lhi 5 continents - per un festival de la **biodiversitat linguística**.

"Una lenga n'es viva que se pòt donar vida a totas causas"; la frasa de Joan Bodon, mot e fil ros d'aquesta edicion, es donca mai que pus actuala: las lengas presentas dins la XIV edicion saberèn donar vita a d'expression artísticas, de la literatura, de la música e dal cínema, e donca saberèn "donar vida a totas causas".

Se decides de venir a passar abo nosautri las jornadas dedicaas al Prèmi Ostana sàpies que la Chambrà d'òc se buta a disposicion per t'ajuar dins la recèrcha logística de un'estructura ente alotjar e dins la solucion d'eventuals problèmas logístics de desplaçament. Ton sejoern a Ostana pòl èsser l'ocasion per una vacança culturala e pòs ne'n profiter per visitar las valadas occitanas, per far una bèla poaa al Vísol, per visitar de luecs encara inexplorats en Itàlia.

T'atendo e te prometo que lo programa dal Prèmi Ostana 2022 te deceberè pas, siu segura que decò tu polerès participar abo passion e engatjament, en portant tas experièncas, ton umanitat e ton amiat. En convivència es lo mot que a totjorn acompanhat lo Prèmi Ostana al lòng di ans e jamai coma aqueste an aqueste es actual.

La Ròcha, 27 d'abril 2022

Per la Cambra d'òc
Ines Cavalcanti (Dir. Artística)

A handwritten signature in black ink, reading "Ines Cavalcanti". The script is cursive and elegant, with the first letters of the first and last names being capitalized and prominent.

Info: chambradoc@chambradoc.it

www.chambradoc.it

cell: Ines Cavalcanti 0039 3283129801